

*Protestantibus non licet cum
Papistis matrimonium contrahere.*

Pronubus ipse Deus thalamos sibi iure iugales
Vendicat, & castis praesidet ille toris.
Præcipit unanimi sub religione propinquos
Ille maritali consociare fide.
Si dotem quæras, dos est uxoriam virtus:
Hæc cum dote simul dat sua iura Deus.
Hæc gremio quoties uxore fovente maritum,
Numinis est sensim pectore lapsus amor.
Quos bene coniunxit studiis communibus atas
Hos adamas, alios molliis arena tenet.
Inseruit corpus menti, quis corpora iungi
Postulet, à quorum mentibus exul amor?
Dum vacat hic epulis, ieiunia suscipit illa:
Militat hic sylvis, dum litat illa sacris.
Iurgia si memorem tales comitantia tadas,
Deficeret citius quàm mihi sermo, dies.
Haud impune Deus testis cum fraude vocatus
Iurantis sumi nomen in ore feret.
Lucis filiolus noctis fastidit alumnam:
Horrent idolum, templa dicata Deo.
Cui nostrum est odio fanum fanique minister,
Nec menti sacrum connubiale placet;
Illius horresco referens vetitos hymenæos:
Rem fugiat, si cui displicet ordo rei.
Non bene inæquales subeunt iuga dura iuveni:
Castæ tuæ comitis nube cohortis avis.
Quadret ad examen pietasq; atasq; genusq;
Pulchra tui sociam quare coloris avis.

Hic igitur coniux papalis, & illa fidelis,
Corpora legitimis non posuere toris.

*Bonus usus liberi arbitrij post
gratiam non est causa consequen-
dæ salutis.*

Prescia venturi divina potentia fati,
Quasq; suas statuit res retinere vices.
Cumq; sit humana gentis sarcire ruinas
Provida, præcipuum, quam sibi sinxit opus;
Huius in excelsa digessit mente salutis
Causas, quas extra nil nisi mortis iter.
Neve quis ereptum Domino sibi sumat honorem;
Sola Dei est nostra causa salutis amor.
Nescio quas alias insana scientia cudit,
Fingendis causis ingeniosa novis.
Scilicet arbitrij bonus & laudabilis usus,
Imperium vite se penes esse crepat.
Dignior ille sequi potius, quàm ducere funem;
Auratum funem, nectitur unde salus.
Tantane vos carnis tenuit fiducia vestra,
Quam nativa, ream, quam sua culpa facit:
Ut calum affectet terra damnata domanda,
Natura, ingenio, viribus usa suis?
Debet at in nihilum redigi prudentia carnis,
Debet inaniri, fiat ut aucta xapis.
Non bene concordēs in eadem sede quiescunt,
Gratia gratificans, arbitriumq; procax.
Quo pia sispēctes meritum miseratione tendis?
Exit in aëlios irrita facta notos.
Non mala ferre malis patitur clementia Patri:
Utq; bonus bene sit vult deus ille bonus.
Illi debentur nos nostraq; fortibus apta
Nos tantum flammis arida ligna sumus.

ERGO

Collocat arbitrij qui libertate salutem,
Naufragus in mediis spem sibi ponit aquis.